

春秋左氏傳地名補注

春秋左氏傳地名補注卷第十

吳 沈欽韓 文起

昭公

年十三經于平巨 水經注縣故衛地寰宇記在開封府封

巨縣東四十里一統志在大名府長垣縣西南五十里

傳會吳子于良 續漢志良城春秋時曰良方輿紀要良

城故城在邳州西北八十里

侵鮮虞及中人 續漢志中山唐縣有中人亭有左人鄉

呂覽慎大篇作老人中人淮南道應訓作尤人終人按晉

語作老人中人彼皆誤也方輿紀要中山城在保定府唐縣西北十三里峭嶺上括地志之中山故城一名中人亭左城在縣西北四十里

房申 一統志吳房故城在汝甯府遂平縣西故房子國歸于蔡 自此居新蔡一統志新蔡故城今汝甯府新蔡縣治

除館于西河 晉之地在河東西河則今山西吉陽二州之西岸爲陝西延安府綏德州同州府皆是也秦本紀孝公八年魏納河西地正義曰同丹二州丹卽今延安府宜

川縣方輿紀要黃河在縣東八十里其上流自榆林衛而南流經葭州綏德二州之境又南厯青澗延川及延長縣三縣並屬延安而入縣境與山西吉州分界又南流入同州韓城縣界府境東面之險也按戰國時魏有西河之地吳起爲西河守蓋自華州以上濱河西岸皆其地也張守節謂西河汾州者此舉漢魏以後西河郡所治非春秋戰國時之西河矣

十五年傳密須之鼓 方輿紀要陰密城在涇州靈臺縣西五十里志云古之密國也呂覽用民篇密須之民自縛其

主而與文王

十六年經誘戎蠻子殺之續志河南新城有鄭聚古鄭氏

今名蠻中方輿紀要蠻城在汝州西南故戎蠻子國

傳至于蒲隧續志下邳取慮有蒲姑一統志蒲陽坂在

泗州西北取慮故城在徐州府唯甯縣西南

甲父之鼎山東通志甲父亭在兗州府金鄉縣西北境

古侯國炎帝之後一統志云在縣南

十七年經戰于長岸方輿紀要東梁山一名博望山在太

平府西南三十里西梁山在和州南六十里夾江對峙如

門之闕亦曰天門山郡國志天門山一名峨眉山春秋昭公十七年楚獲吳乘舟餘皇處也

僊涉自棘津元和志黃河西自新鄉縣界流入經汲縣南去縣七里謂之汲津亦謂之石濟津水經注晉伐陸渾于此渡按今衛輝府汲縣

其眾奔甘鹿方輿紀要鹿蹄山在河南府宜陽縣東南五十里甘水出焉纂纂云疑甘鹿以此得名水經注鹿蹄山在陸渾故城西口又以傳文證之似亦可據

年十八經邾人入邾一統志開陽故城在沂州府蘭山縣

北故鄆國齊乘在沂州北十五里

許遷于白羽 一統志析縣故城在南陽府內鄉縣西北

春秋時楚白羽地

傳昆吾稔之日也 紀年帝癸三十年商師征昆吾三十

一年商自陲征夏邑克昆吾大雷雨戰于鳴條夏師敗績

方輿紀要昆吾城在大名府開州二十五里

登大庭氏之庫 寰宇記大庭氏庫高二丈在兗州曲阜

縣城內縣東一百五十步

十九年傳遷陰于下陰 陰縣漢屬南陽郡魏分南陽立南

鄉郡晉武帝改名順德郡晉志云太康中置水經注沔水又東南逕陰縣故城西故下陰也一統志在襄陽府光化

縣西

若大城城父 杜預云今襄城城父縣城父當作父城在汝州郟縣西四十里漢潁川郡晉分潁川置襄城郡按傳之城父前志屬沛續志屬汝南杜預誤

莒子奔紀鄆 淮安府志紀鄆城在海州贛榆縣西七十

五里按紀鄆山在縣西北七十里一統志當在東北未詳水經注淮水分支北為游水又東北逕紀鄆故城南故紀

子帛之國也

洧淵 水經注洧水又東為洧淵今洧水自鄭城西北入而東南流經鄭城南一統志洧水俗名雙洎河自河南密縣南又東逕新鄭縣北至陳州府西華縣入潁水按水道提綱滎陽水會南來之磨河即古溱洧諸水今總名小賈魯河雙洎河源出密縣南山東至新鄭縣城南經扶溝縣城北東入賈魯河滎陽水經中牟縣城北以下俗曰賈魯河則洧水不能達潁而齊氏不以雙洎河為洧水未詳

二十 年 經自鄆出奔宋 襄字記大饗故城在曹州乘氏縣

西北三里故老云古之鄆城也後改名大饗城山東通志  
鄆城在曹州府荷澤縣西北三里

傳棠君尙 顧棟高謂是江甯府六合縣故棠邑者非也  
此當與楚近方輿紀要棠谿城在汝甯府遂平縣西北百  
里史記正義故城在豫州鄆城縣西八十里

戰于鬼闔 寰宇記閻倉城在陳州西華縣東北三十里  
聊攝以東 水經注京相璠曰聊城縣東北三十里有故  
攝城今此城西去聊城二十五六里許山東通志聊城在  
東昌府聊城縣西北十五里攝城在古聊城東北三十里

城東西三里南北二里東西隅有金城

姑尤以西 水道提綱大沽河出登州府黃縣東南之盧

山亦曰蹲犬山二源並導合南流經萊陽縣西境又西南  
至劉家莊西有小沽河自西北來會南流至膠州南麻灣  
口入海小沽河卽古尤水

侍于遊臺 肇域記遊臺在臨淄縣東一里通志在縣西  
五十里今名歇馬亭

逢伯陵因之 山東通志逢陵城在濟南府淄川縣西南  
四十里齊乘云逢伯陵商之諸侯封于齊

桂苻之澤 水經注役水又逕中牟澤卽鄭太叔攻桂苻之盜于是澤

二十一年經宋南里以叛 築築云南里在今歸德府商巨縣境按南里卽新里

傳華輗禦諸橫 水經注今在睢陽縣西南世謂之光城光橫聲相近

華氏居盧門 續志睢陽縣有盧門亭

于鴻口 方輿紀要鴻口亭在歸德府東

于新里 寰宇記新里縣故城在開封縣東三十里隨開

皇中分浚儀縣置因新里爲名一統志在開封府東秦舊  
邑也

戰于赭丘 續志陳國長平縣有赭丘城一統志長平故  
城在陳州府西華縣東北十八里

呂封人 華豹爲呂邑大夫華氏之族名豹江南通志呂  
城在徐州北五十里

二十二年經王猛居於皇 續志河南鞏縣有黃亭有湟水劉  
昭曰昭二十二年王子猛居于湟杜預云在縣西北水經  
注東相璠曰訾城北三里有黃亭

入于王城 王城卽河南縣去成周四十里成周今洛陽縣高閔曰王城天子都而子朝之黨在焉故言入

傳鄆肸伐皇 水經注鄆城蓋周大夫鄆肸之舊邑又羅川亦曰羅中蓋肸子鄆羅之舊居方輿紀要鄆城在鞏縣西南五十八里

敗績于前城 水經注伊水逕前亭西昭二十二年晉箕遺等濟師取前城者也京相璠曰今洛陽西南五十里伊闕外前亭矣服虔曰前讀爲泉一統志前城在洛陽縣西南又曰泉亭

二十三年經于雞父

水經注決水自雩縣北逕雞備亭在光

州固始縣東南

傳晉師在平陰

方輿紀要平陰在河南府孟津縣東一

里

邾人城翼

山東通志翼城在兗州府鄒縣東北費縣界

欲自武城還

山東通志武城在沂州府費縣西南八十

里關陽川之旁

單子取訾

續志注地道記曰訾城在鞏縣東一統志訾

城在鞏縣西南四十里

敗劉師于唐 續志洛陽縣有唐聚

攻蒯 續志河南縣有蒯鄉

二十五年經次于陽州至野井 山東通志陽州城在泰安府

東平州東北境野井亭在濟南府長清縣東北四十里按

水經注濟水北逕平陰城西又逕盧縣故城又東北右會

玉水玉水又西北枕祝阿縣故城東野井亭西是平陰在

野井之東公已越齊侯所約之平陰而逕至野井齊侯所

以謝公

傳如闕 通志闕城在兗州府汶上縣南旺湖中

待于沂上 水道提綱雩河卽浴沂之沂水源出曲阜縣  
東南之尼山下北流數十里折而西北六十里又西流經  
曲阜南又西南至兗州府城東南注泗水其大沂水出沂  
州府沂水縣西北之東鎮沂山經沂州府城東南又西南  
入南邳州界經邳州城南西入運河

率于曲棘 水經注陳留風俗傳曰外黃縣南有渠水于  
春秋爲宋之曲棘里故宋之別都矣按外黃故城在開封  
府杞縣東六十里

逸奔郟 山東通志郟城在泰安府東平州東南四十里

二十六年傳飲馬于淄者 此魯之淄水與出青州府益都縣

顏神鎮岳陽山東麓之淄水別也水經注淄水又西逕陽

關城注汶水一統志淄水在兗州府甯陽縣東北即今小

汶河源出泰安府治東南泉河集于平地石縫中流出水道

提綱小汶河出新泰縣東北四里龍堂山下齊乘泰山南亦有淄水按胡渭云

即柴汶也水道提綱董家河源出泰山東南麓東南流五

十餘里南入汶水即古柴汶其說與一統志異

使女寬守關塞 水經注昔大禹疏以通水兩山相對望

之若門伊水歷其間北流故謂之伊闕陸機曰伊有四闕

斯其一焉河南府志關塞山在府城南二十五里山之東  
有香山西龍門

遂次于尸 方輿紀要尸鄉在河南府偃師縣西三十里  
萬民弗忍居王于彘 杜預云不忍害王也按與史記所  
載不合劉炫以爲不能忍王之虐按紀年厲王十二年王  
亡奔彘國人圍王宮執召穆公之子殺之此不能忍王之  
虐之證

二十七年傳帥師圍潛 按續志及晉志廬江郡俱有潛縣杜  
預乃舍潛而引六何也一統志潛縣故城在六安州霍山

縣東北三十里此漢之濳縣也江南通志濳城在廬州府廬江縣城南三里今邑名潛川以此此蓋春秋之潛也

遇于窮 水經注引傳有谷字石經旁增谷字水經注淮水又東北窮水入焉水出六安國安風縣窮谷一統志窮水在潁州府霍丘縣西

及沙汭 水經注沙水東流注于淮渭之沙汭水道提綱淮水折東北流經正陽關北壽州西境有沙河上承伊陽汝州邠縣襄城之汝水登封禹州長葛許州臨潁之潁水樂陽以東開封以南之賈魯河雙洎諸水自西北來會曰

潁川

奔鍾吾 一統志司吾故城在徐州府宿遷縣北本鍾吾國也舊志司吾鎮在縣北六十里

春秋左氏傳地名補注卷第十終

春秋左氏傳地名補注卷第十一

吳 沈欽韓 文起

昭公

二十八年經次于乾侯 一統志斥丘故城在廣平府成安縣

南春秋時乾侯邑

傳鄔大夫 一統志鄔縣故城在汾州府介休縣東北二

十七里今為鄔城店據釋文則太原之縣本作鄔今本地

理志郡國志皆作鄔彼注先音一戶反又音於據反一戶

反音字當作鄔則其誤已久郡國志引徐廣音於庶反則

知舊本作鄔今釋文所辨之鄔當作鄔者仍訛爲鄔字

祁大夫 元和志祁城在太原府祁縣東南五里賈辛邑

平陵大夫 一統志大陵故城在太原府文水縣東北二

十五里晉平陵邑

梗陽大夫 一統志梗陽故城在太原府清源縣南縣志

今爲縣南關

塗水大夫 一統志塗水城在太原府榆次縣西南二十

里

馬首大夫 元和志馬首故城在太原府壽陽縣東南十

五里按壽陽今屬平定州

孟大夫

一統志孟縣故城在太原府陽曲縣東北八十

里按孟丙兩漢志皆作孟丙顧炎武曰以其爲孟大夫而

謂之孟丙猶魏大夫爲魏壽餘閻大夫爲閻嘉也

銅鞮大夫

方輿紀要銅鞮廢縣今沁州治其舊城在今

州南十里

平陽大夫

一統志平陽故城在平陽府臨汾縣西南隋

改縣爲臨汾

楊氏大夫

漢志河東郡有楊縣魏分河東置平陽郡楊

縣移屬晉志亦云楊故楊侯國其楊氏縣別屬鉅鹿郡非  
此楊氏也杜預注誤出一氏字一統志楊縣故城在平陽  
府洪洞縣東南十五里舊唐書地理志義寧元年改楊縣  
為洪洞

魏戊謂閻沒 元和志閻沒墓在太原府清源縣西南三  
里

二十九年傳有颺叔安 漢志南陽湖陽縣古廖國彼注云左  
氏傳作颺其音同方輿紀要藜山在南陽府唐縣南九十  
里本古藜國地山因以名藜乃寥之誤

氏曰參龍 一統志參龍城在汝州寶豐縣東南五十里  
以更豕韋之後 續志注東郡白馬縣韋古豕韋氏之國  
方輿紀要韋城在滑縣東南五十里紀年孔甲元年廢豕  
韋氏使劉累參龍

遷于魯縣 紀年孔甲七年劉累遷于魯陽之汝州魯山  
縣治

遂濟窮桑 山東通志窮桑城在兗州府曲阜縣北一作  
空桑歸藏啟筮曰空桑之蒼蒼北極之既張乃有羲和是  
主日月職出入以爲晦明卽此也

有烈山氏

杜預云烈山氏神農世諸侯也劉炫云烈山

氏即神農非諸侯按祭法云厲山氏之有天下也其子曰

農能殖百穀注厲山氏炎帝也起于厲山

在今隨州

或曰有烈

山氏按農即柱路史云烈山氏柱炎帝子也杜不讀祭法

因有此謬

三十一傳防山以水之

水即淮水方輿紀要曉石山在泗

州西百二十里與盱眙縣浮山相對浮山在縣西百二十

里北臨淮水水經注淮水自鍾離縣又東經浮山北對曉

石山

三十一經以濫來奔 一統志昌慮故城在兗州府滕縣東

南六十里邾濫邑

定公

元傳田于大陸 通典趙州昭慶縣隋為大陸縣有大陸

澤深州陸澤縣有禹貢大陸澤方輿紀要廣阿澤在順德

府鉅鹿縣北五里亦曰大陸接趙州隆平縣界又云大陸

澤在隆平縣東北三十里亦曰廣阿澤疏云鉅鹿去河南

千餘里魏子不應往彼田獵按元和志深州西南至東都

一千三百二十里水經注魏土地記曰修武城西北二十

里有吳澤水陂南北二十許里東西二十里魏獻子田大陸卽吳澤矣一統志吳澤陂在衛輝府獲嘉縣西北遷于邳 一統志上邳城在兗州府滕縣南晉書地道記仲虺城在薛城西三十里卽上邳也

二傳桐叛楚 一統志古桐國在安慶府桐城縣北

三傳肅爽 說文五方神鳥西方曰鵙鵙則賈謂色白馬謂似鳥皆得之一統志驪驪陂在德安府隨州北唐城鎮白雲鄉按唐國地陂以此爲名

四經盟于臬臯 一統志城臬亭在許州府臨潁南定四

年盟于皋鼬卽此地

許遷于容城 水經注南郡華容城春秋許遷于容城是也方輿紀要華容城在荊州府監利縣東五里應劭以爲楚遷許之容城誤也按其地當在南陽府或曰在葉縣西戰于柏舉 水經注江北岸烽火洲卽舉洲也北對舉口春秋定公四年吳楚陳于柏舉京相璠曰漢東地矣於漢爲邾縣屬江夏郡元和志龜頭山在黃州麻城縣東南八十里舉水之所出春秋吳楚戰于柏舉卽此地方輿紀要黃州府麻城縣東北三十里有柏子山吳楚陳于柏舉蓋

合柏山舉水而名一統志舉水出麻城縣東北黃蘗山西南流入黃岡縣南三十里入江在麻城名岐亭河入黃岡縣界謂之舊州河其入口處謂之三江口

傳封父之繁弱 方輿紀要開封府封丘縣古封父國漢書注繁弱夏后氏良弓名

命以伯禽 洛誥王命周公後作冊逸誥傳云王爲冊書使史逸誥伯禽封命之書疏云定四年左傳云命以伯禽卽史逸所讀之策也紀年成王八年王初蒞祚親政命魯侯禽父遷庶殷于魯卽此伯禽之命也以下文康誥唐誥

蔡仲之命推之知命伯禽爲策命之書杜預云皆以付伯禽可爲目不知書

自武父以南方輿紀要武父城在開州東明縣西北杜預謂此非河南武父然祝熊方侈言分土之廣且康叔封時未有鄭國無妨先屬衛也

相土之東都紀年帝相十五年商侯相土遷于商王帝  
芒三十二年商侯遷于殷則商王是東都今之歸德府  
舍舟于淮汭杜預過蔡而舍之按蔡都今汝甯府新蔡  
縣吳伐楚從淮入江不能過蔡境也淮汭蓋在光潁之境

自豫章與楚夾漢 輿地紀勝圖經云豫章卽今德安府  
安陸縣東三十里之章山也名勝志唐李白娶安陸許氏  
及流夜郎妻在父母家有寄內詩云南來不得豫章書亦  
謂安陸之豫章也按水經注江津豫章口東有中夏口紀  
要荊州府東南二十里有夏水口亦謂之豫章口按漢水  
與夏水通稱爲漢故酈注又云自胙口下沔水兼通夏目  
而會于江謂之夏汭以豫章口解此豫章于本句爲當而  
下有濟漢之文則非江陵之豫章口也

還塞大隧直轅冥阨 寰宇記石城山在信陽軍故鍾山

縣東南呂氏春秋之九塞此其一也元和志義陽有三關  
之塞平靖關在申州義陽縣南七十六里武陽黃峴二關  
在安州應山縣界方輿紀要平靖關在德安府隨州應山  
縣北六十里一統志縣東北七十里即古龜阨也西北去信陽州九  
十里又口鴈關在縣北九十里即古直轅也亦曰黃峴關  
亦曰九里關北去信陽州九十里又武陽關在縣東北百  
三十里即書大隧也亦曰禮山關一統志今名大寨嶺西北至信陽  
州百五十里即所謂義陽三關也按冥阨為信陽州東南  
境固無疑惟大隧直轅二塞指為義陽三關之二始見於

通鑑地理通釋恐未可信也

自小別至于大別 元和志魯山一名大別山在沔州漢陽縣東北一百步小別山在汝川縣東南五十里漢陽府志小別山一名甌山在漢川縣東南十里一統志舊志大別山在漢陽縣東北半里漢江西岸江水逕其南漢水從西北來會于山之東南

及清發 水經注瀘水南逕石巖山北卽春秋吳從楚師及清發蓋瀘水兼清水之目矣元和志安州安陸縣瀘水故清發水也注于沔謂之瀘口

敗諸雍澁 元和志澁湖一名翁湖在岳州巴陵縣南一  
十里吳人敗楚于壘澁卽此是也按此說非也吳旣舍丹  
登陸必不復涉大江方輿紀要澁水在安陸府京山縣西  
南八十里下流合縣前河通于漢江或以爲春秋時之雍  
澁彙纂京山縣西南有三澁水春秋之雍澁其一也  
涉睢 方輿紀要沮本作睢沮水出鄖陽府房縣西南二  
百里口口山東南流經襄陽府南漳縣南境又南逕荊州  
府夷陵州之遠安縣東而入安陸府荊門州界至當陽縣  
北又東南與漳水合至枝江縣入大江水道提綱江水又

東至江陵縣西南境之沅口北岸有沮河漳河北自古麥城合而南流注之按此昭王涉睢自郢都趨東北走故下云涉睢濟江入雲中杜預謂西走者非

王奔鄖 方輿紀要楚王城在德安府雲夢縣東昭王奔鄖城因此名

五傳夫槩王于沂 方輿紀要西塞山在武昌縣東百三十里近山有流沂城

于軍祥 彙纂云當在德安府隨州西南按此卽安陸之鍾祥縣

爲堂谿氏 一統志堂谿城在汝甯府西岫平縣西北百

里韓非子外儲說有堂谿公蓋夫槩王之後

吳師居麋 一統志麋城在岳州府巴陵縣東南三十里

有東西二城顧棟高以爲太遠非吳與楚戰地按安陸當

陽縣東南六十里有麋城與京山縣接壤此爲較近

將涉于成曰 水經注沔水又東南與白水合水出竟陵

東北聊屈山又名盧屈山定公四年楚昭王濟于成曰者

也方輿紀要曰水在安陸府東三十里一統志今名白成

河西流經寨子河注于漢水其入漢處謂之白口

六  
年  
傳  
取  
匡  
方輿紀要匡城在開封府洧川縣東北

遷郢于都一統志都縣故城在襄陽府宜城縣東南九十

里

馮滑 東觀漢記魏之別封曰華侯華侯孫長卿食采于

馮城卽此也滑見僖三十三年注

負黍狐人闕外 一統志負黍亭在河南府登封縣西南

水經注京相璠曰負黍在陽城縣西南二十七里世謂之

黃城續志潁陰縣有狐宗鄉或曰古狐人亭在今許州臨

潁縣闕外卽伊闕之外

七年經盟于沙 方輿紀要沙亭在大名府東左氏謂之瑣

晉地道記元城縣南有瑣陽城蓋卽沙亭矣

八年經公會晉師于瓦 水經注酸澗水又東南逕瓦亭南

傳伐穀城 方輿紀要穀城在河南府城西北十八里

乃止諸州 州河內縣詳隱十年傳

棘下 山東通志棘下在魯城內按鄭志我先師棘下生

蓋卽此棘下

五父之衢 通志五父之衢在曲阜縣東南五里

謹陽關以叛 水經注汶水又南逕陽關城西本鉅平縣

之陽關亭矣陽貨據之以叛續志濟北蛇丘縣有下謹亭  
山東通志下謹城在泰安縣南境

年軌經次于五氏 一統志五氏城在廣平府邯鄲縣西杜  
預云諱伐盟主以次告齊衛既攜于晉方且逞強以搖魯  
何有所諱家鉉翁曰不與之以伐也

晉車千乘在中牟 索隱曰此趙中牟在河北非鄭之中  
牟也水經注管子築五鹿中牟鄴以衛諸夏後屬晉方輿  
紀要中牟城在彰德府湯陰縣西五十里史記趙獻侯徙  
居中牟

經于夾谷 山東通志夾谷在青州府博山縣東境各  
志託名不一郡國志云漢置祝其縣春秋夾谷地滕縣志  
云縣東北有祝其城泰安州志云口東南有谷里古夾谷  
也萊蕪縣志縣南三十里連新泰縣界有夾谷峪左爲龍  
門崖右爲鳳皇山春秋之夾谷卽此淄川志縣西南四十  
里甲山本名祝其山上爲夾谷臺明一統志主濟南淄川  
之說云縣西南三十里  
數之金史志云淄川縣有夾谷山指此也水經注云舊說齊  
靈公滅萊萊民播流此谷邑落荒蕪故曰萊蕪夾谷之會  
齊侯使萊人以兵劫魯侯是也歷考諸說當以水經注爲

近就谷用萊倂事密勢順較他處爲有據耳欽韓按今一  
統志斥淄川夾谷之傳訛云夾谷峪在泰安府萊蕪縣南  
三十里又云夾谷山在海州贛榆縣西四十里而辨云祝  
其漢縣在贛榆縣西五十里知夾谷宜在此處攷寰宇記  
海州懷仁縣云夾山在縣西三十八里左傳夾谷此一統  
志所據也然齊魯好會宜就兩國境上胡爲遠至海濱漢  
之祝其不必卽傳之祝其顧炎武日知錄云齊魯之境正  
在萊蕪東至淄川則已入齊地百餘里是顧氏亦以萊蕪  
之夾谷爲是也

龜陰田 一統志龜山在泰安府新泰縣西南四十里山之南卽兗州府泗水縣

園郿 齊乘郿城在沂州東三十里通志在沂州府蘭山縣東北四十里故縣社按水經注無鹽縣之郿鄉城郿昭伯之故邑定十二年叔孫氏墮郿今其城無南面一統志在東平州南四十里然則魯有兩郿邑

秋園郿 按兩園郿傳雖明其事經文不應復出公羊經于此秋作園費

十二年傳登武子之臺 水經注曲阜上有季氏宅宅有武

子臺今雖崩夷猶高數丈曲阜縣志季武子臺在今城東北二里

年十三經次于垂葭 山東通志垂葭在曹州府鉅野縣西南境按葭密城在荷澤縣西北二十五里葭密寨疑垂葭即葭密非是二處

築蛇洲困 水經注京相璠曰濟北有蛇丘城城下有水魯圍也

年十四經敗吳于槁李 越絕書語兒鄉故越界名就李吳疆越地以為戰地至于柴辟亭句踐更就李為語兒鄉按

就李卽構李也嘉興府志構李城在秀水縣西南七十里  
于牽 水經注淇水東北逕枉人山東牽城西定十四年  
會于牽者是也一統志牽城在衛輝府濬縣之北十八里  
城莒父及霄 山東通志莒國卽今沂州府莒州境一云  
卽魯之莒父邑今州治西南有子夏祠顧棟高云莒係以  
父魯人語音如梁父亢父單父是也

于百泉 方輿紀要蘇門山在衛輝府輝縣西北七里一  
名百門山有百門泉或謂之百泉定十四年晉人敗范氏  
于百泉

年十五傳敗宋師于老丘 寰宇記老丘城在開封府陳留

縣北四十五里

哀公

元傳敗越于夫椒 索隱賈逵云越地近得之然其地闕

不知所在杜預以為太湖中椒山非也夫表以報越為志

伐越當在越境何以不離吳境近在太湖乎按越絕越地

記夫山者句踐絕糧困地去山陰縣十五里此夫椒在越

之證矣向來湮于俗說故地志不載于山陰而吳縣太湖

中之包山偏得夫椒之名

保于會稽 越絕禹上茅山大會計爵有德封有功更名  
茅山曰會稽山名勝志會稽山在紹興府城東南十二里  
逃奔有虞 一統志虞縣故城在歸德府虞城縣西南三  
里

而邑諸綸 續志梁國虞縣有綸城少康邑括地志故綸  
城在虞城縣東南紀要虞城縣東南三十五里  
取棘蒲 一統志棘蒲故城今趙州治

二經盟于句澤 方輿紀要葛嶧山在兗州府嶧縣東南  
十五里句葛聲同而誤

師師戰于鐵公羊疏云服本無帥師二字水經注河水  
東逕鐵丘南一統志鐵丘在大名府開州北紀要云北五  
里

傳右河而南必至焉溝洫志河歷龍門二渠以引河一  
則灑川今所流也一則北濱王莽時空宋史河渠志參知  
政事張洎言曰禹于貝丘疏二渠以分水勢一渠自武陽  
縣東引入灑水其水東北流至于乘縣入海卽今黃河是  
也一渠疏畝引旁西山以東北形高做壞堤水勢不便流  
溢夾石碣石入于渤海禹貢錐指云其一灑川自黎陽今

縣大伾山東北流至千乘入海其一河之正流自大伾山西南折而北爲宿胥口又東北逕鄴縣東至列人斤章縣界合漳水是爲北過泲水按春秋時河猶北流故晉軍自北渡至王莽時空故水經注謂之故瀆杜預云是時河猶北流者正謂漢以前如此而今但并于漯川水經注大河故瀆東北逕戚城西又逕繁陽故城東陰安故城西方輿紀要黃河故瀆在開州治南大河舊道在大名府內黃縣及清豐縣西南漢時河皆經此戚城在開州北七里舊五代史

同光三年三月己酉車駕發鄴宮辛亥至德勝城登城四望渡河南觀廢柵舊址至楊村塞沿河至戚城按此則後

唐時戚城猶在河南亦其證也德勝城在開州東南五里楊村在州西南十五里

獲其蠶旗 王子年拾遺記武王東伐紂夜濟河時雲明如畫八百之族皆齊而歌有大蜂狀如丹鳥飛集王舟因以烏畫幡旗翌日而梟紂名其船曰蠶舟哀公二年趙簡子蠶旗則其類也

三經城啟陽 方輿紀要開陽城在沂州北十五里山東通志卽郟國之啟陽

春秋左氏傳地名補注卷第十一終

春秋左氏傳地名補注卷第十二

吳 沈欽韓 文起

哀公

四年傳襲梁及霍 一統志梁縣故城在汝州西南四十五

里霍山在汝州西南六十里霍陽聚在州東南水經注霍

陽山水又逕梁城西周小邑也戰國為南梁矣

奔晉陰地 方輿紀要陰地城在河南府盧氏縣東北

起豐析 水經注豐鄉川水逕豐鄉故城南京相璠曰地

理志屬宏農今屬南鄉一統志豐鄉城在南陽府淅川縣

西南

以臨上雒 一統志上雒故城今商州治

軍于菟和 商州志菟和山在州東一百十里續志京兆

上雒有菟和山蒼野聚

軍于蒼野 水經注丹水自蒼野又東歷菟和山一統志

蒼野聚在商州東南一百四十里

通于少習 水經注丹水自商縣東南流注歷少習出武

關商州志關在州東武關山下當官道設關北接高山南

臨絕澗

昇楚師于三戶 紀年顯王二十二年孫何侵楚入三戶

郭一統志三戶城在南陽府淅川縣西南

趙稷奔臨 元和志趙州臨城縣西南十里有古臨城

任欒鄆逆時 方輿紀要任城在順德府任縣東南元和

志故欒城在趙州平棘縣西北十六里春秋晉邑又趙州

柏鄉縣本春秋時晉鄆邑之地水經注濡水迴湍曲復亦

謂之曲逆水春秋齊國夏取晉曲逆是也方輿紀要曲逆

城在保定府完縣東南二十里

陰人孟壺口 方輿紀要陰地關在霍州靈石縣西南百

二十里出汾晉之間道也大孟城在太原府東北八十里壺關山在潞安府東南十三里延袤百餘里東接相州崖徑險狹形如壺口彙纂云在今山西潞安府黎城縣東北太行山口俗名吾兒峪是也按元和志云齊國夏伐晉取八邑有孟口孟口卽壺口也聲相近故有二名然以孟口爲壺口卽八邑之數缺其一李說非也又續志上黨郡潞縣劉昭引此傳壺口然昭復引曹公從洵河口鑿潞河名泉州渠則漁陽郡之潞縣今直隸通州矣劉昭舛誤最多一事兩引不辨方隅者也

于柏人 元和志柏人故城在邢州堯山縣西北十二里  
按今爲順德府唐山縣

六經城邾瑕 一統志邾婁城在濟甯州南十里定六年

城邾瑕卽此通志邾瑕城在州南二十里

傳攻大冢 彙纂云當在陳州項城縣境

以安孺子如賴 續志濟南營縣有賴亭方輿紀要賴亭

在濟南府東近章丘縣界通志賴亭在歷城縣東境

七年傳成子以茅叛 山東通志茅鄉城兗州府金鄉縣西

境彙纂云在金鄉縣西北四十里

囚諸負瑕 水經泗水西過瑕丘縣東注云春秋之負瑕  
矣昔衛公叔文子升于瑕丘曾子弔諸負夏鄭君皇甫謐  
並言衛地魯衛雖殊土則一也一統志瑕丘故城在兗州  
府滋陽縣西二十五里

黍丘 至 邗 杜預云梁國下邑有黍丘亭按曹是小國既

云築邑于其郊必不得遠至梁國之下邑 今歸德府夏邑縣 劉昭

注奉杜預為主蓋南學尙杜也彙纂及顧棟高表亦依仍  
之而虛指其所在恐誤後人也

入經及闕 山東通志闕邑在兗州府甯陽縣東北境爾

雅汶別爲闡紀要在縣東北三十五里故剛城北

傳以伐武城克之 劉炫以爲實克武城者是孔氏依杜

力主武城尙未克按此南武城也續志泰山郡南城是又

有東陽城方輿紀要南武城故城在沂州費縣西南九十

里東陽城在縣西南七十里下傳吳師克東陽而進則先

經之武城固已克之何須教吳必可克乎

舍于五梧 山東通志東陽城在沂州府費縣西南六十

里東陽邨又北爲五梧城

而多殺國士不如已也 尉繚子制談篇先死者未嘗非

多力國士也損敵一人而損我百人此資敵而傷我甚焉  
九經取鄭師于雍巨 方輿紀要雍巨城今開封府杞縣

治 傳吳城邗溝通江淮 水經注昔吳將伐齊北伯中國自

廣陵城東南築邗城城下掘深溝謂之韓江亦曰邗溟溝

自江東北通射陽湖地理志所謂渠水也西北至末口入

淮李燾續通鑑長編雍熙元年二月淮南轉運使喬惟岳

開故沙河自末口至淮陰磨般口凡四十里方輿紀要揚

州府東南二里官河邗溝也今爲漕河蓋江南之漕廣陵

當其咽喉上江來者至自儀真下江來者至自瓜州會于  
揚子橋東北過府城凡六十里而入邵伯湖又北行六十  
里入高郵界又北四十里至界首入寶應湖又北至黃浦  
入淮安界爲山陽濱山陽濱在淮安府城南北神堰在府  
城北五里古末口也吳溝通江淮之處後人于此立堰以  
淮水低溝水高防其洩也舟行度堰始入淮

十傳將自海入齊 方輿紀要海在蘇州府東百八十里  
北爲揚州府之東境又西北經淮安府之東自海州而北  
爲山東青州府境在青州府日照縣東二十里與贛榆縣

接界按日照縣地今屬沂州府折而東北為萊州府之膠州境

取犁及轅 杜預云濟南有隰陰縣按潔本作濕訛為隰

晉志濟南無潔陰漢志屬平原蓋晉志爛脫也轅漢志作

瑗水經注潔水東北逕援縣故城西杜預云轅即援也又

東北逕潔陰縣故城北縣故犁邑也一統志瑗縣故城在

濟南府禹城縣南潔陰故城在臨邑縣西

十一年經戰于艾陵 山東通志艾邑在泰安府萊蕪縣東

境

傳及清 山東通志清亭在泰安府東阿縣西大清河西

堯博至于嬴 一統志博縣故城在泰安府東南通志在

泰安縣東南三十里舊縣邨嬴城在萊蕪縣西北四十里

寘于犁 一統志黎縣故城在曹州府鄆城縣西按犁黎

字通寘字記黎上在鄆城縣西四十五里

使處巢 寘字記巢城在開封府襄邑縣南二十里

經于橐皋 江南通志橐皋城在廬州府巢縣北六

十里一名會吳城按杜預云淮南者沈約州郡志云魏復

九江為淮南郡今治壽春

宋皇瑗于鄖 名勝志今有立發口在通州如皋縣西北

二十里卽發繇口彙纂云縣東立發壩古發陽也亦名古

鄭按卽是江淮間地遠在通州非也乃古來相傳之誤

傳玉暢 彙纂開封府杞縣東北三十里有玉帳或云古

玉暢

年十三經于黃池 漢志注臣瓚曰水經注云嶺瓚孔疏陳

留外黃縣有黃溝續志平丘有黃池亭元和志黃池在汴

州封丘縣南七里

傳自汎上觀之 吳地記胥門西五里有越來溪乾隆吳

縣志石湖沿楞伽山而南爲越來溪溪流貫行春橋及越

溪橋以入橫塘越兵自此溪來入吳故名按泓上蓋卽今之橫山橫泓聲近

見姑蔑之旗 一統志姑蔑故城在衢州府龍游縣北舊

志在穀水之南今人呼為寺城麓

及戶牖 一統志東昏故城在開封府蘭陽縣東北二十

里本古戶牖鄉至漢以為東昏縣

十四年經實于舒州 續志魯國薛城縣本國六國時曰徐

州按此舒州史記作徐州索隱曰徐字從人說文作郟並

音舒齊策一楚威王戰勝于徐州高誘注徐州或作舒州

一統志薛城在滕縣南四十四里亦名爲徐州山東通志  
邾城在滕縣南薛城邾下邑竹書紀年梁惠成王二十一  
年邾遷于薛改徐州亦曰舒州據紀年則薛邑之舒州戰  
國時所改且田恆放其君宜在齊境豈肯遠在邾魯之境  
乎

傳西狩于大野 山東通志麟臺在曹州府鉅野縣東十  
里鋪臺側有獲麟渡縣東南三十里有麟冢又云獲麟堆  
在兗州府嘉祥西二十五里都城記云鉅野縣十二里澤  
中有二臺廣輪四十五步俗謂之獲麟堆今析入縣境

于檀臺 山東通志檀臺在臨淄縣東北一里

以鞏易薄 薄卽臺兩漢志皆作薄湯所居故曰宗邑

逢澤有介麋焉 紀年惠王二十三年會諸侯于逢澤卽

漢志臣瓚所云逢陂在浚儀于此爲遠也水經注唯水于

睢陽城之陽積而爲逢洪陂則逢澤應在睢陽按馬融洪

範注逢大也睢陽之大澤無過于孟諸矣顧祖禹云逢猶

過澤卽孟諸

葬諸巨輿 一統志輿城在沂州府費縣西司馬牛墓在

縣南成山

十五傳及桐汭 元和志桐汭水在宣州廣德縣西十五

里一統志桐水在廣德州城西北流經建平縣南又西北

流入江甯府高淳縣界按元和志丹陽湖在宣州溧水縣

今屬江甯府西南二十八里與當塗縣分中流為界通志湖源

有三一出徽州府黟縣者為舒泉一出廣德州白石山者

為桐水一出溧水縣廬山者為吳漕水俱匯于湖其流有

二一西出蕪湖一西北出當塗姑孰俱入江

及良而卒 良即良城縣在邳州

伐晉冠氏 水經注喬亭城去館陶十五里春秋之冠氏

一統志冠氏故城在東昌府冠縣北晉冠氏也

飲孔惺酒于平陽 水經注滑臺城卽鄭廩延邑其南故

城卽衛之平陽亭 一統志平陽城在衛輝府滑縣南

十六傳爲白公 水經注青陂水分爲二水一水南入淮

一水淮南逕白亭北又東逕吳城南子西召太子建之子

勝于吳勝入居之故曰吳城 一統志白公城在光州息縣

南息縣志云縣西南七十里故曰白城

吳人伐慎 水經注潁水又逕慎縣故城南縣故楚邑一

統志慎縣故城在潁川府潁上縣西北

頽黃氏

彙纂云頽黃在今甯國府境

年十七傳禦之笠澤

名勝志三江者松江婁江東江也一

江西南上七十里至太湖曰松江古笠澤

登昆吾之觀

一統志昆吾故城在開州東括地志昆吾

臺在濮陽縣西百步

見戎州

索隱云陳留濟陽縣東南有戎城濟陽與衛相

近故莊公登臺望見戎州又隱七年戎伐凡伯于楚丘以

歸是我近衛按楚丘非衛文公之楚丘也傳又云公自城

上見己氏之髮美則逼近衛郊方能審諦曰州者是其列

黨之名矣何得徵濟陽之戎墟假楚丘之異地以爲衛君  
眺覽所及乎一統志濟陽城在開封府蘭陽縣北五十里  
公會齊侯盟于蒙 山東通志蒙陰故城在沂州府蒙陰  
縣西南十五里水經注桑泉水又東南逕蒙陰縣故城北  
今謂之西城子又一城在縣東十里綿山下爲東城子晉  
之蒙陰城也晉志蒙山在其東南

十九年傳追越師至冥 方輿紀要饒州府餘干縣春秋時  
爲越之西境按其北境爲廣德州冥地蓋口苦嶺關四安  
鎮之間與湖州長興縣安吉州接界

二十傳出居于艾 方輿紀要艾城在南昌府甯州西百

里

二十傳盟于顧 一統志顧城在曹州府范縣南三十里

通志云縣南五十里

二十傳吳王居甬東 一統志翁山故城在甯波府定海

縣東三十里翁山下春秋時越之甬東也韋昭曰甬東句

章東海口外州也

越人以歸 歸其尸于吳也越絕書夫差冢在猶亭西卑

猶之位越王侯史記注作候同干戈人一累史記注土以

葬之近太湖去吳縣十七里史記注作五十七里名勝志徐候山在

陽山西北十里一名卑猶山一名餘杭夫差既伏劍越王

以禮葬之秦餘杭山長洲縣志陽山一名秦餘杭山在城

西北三十里徐候山在陽山西北十里蓋卑猶小山為陽

山支阜故通得秦餘杭之名

二十三年傳戰于犁丘 彙纂山東濟南府臨邑縣有犁丘亭

通志縣治西南有犁丘子讀書處

二十五年傳請適城鉏 彙纂云今大名府滑縣東有鉏城水

經注云濮陽西南有鉏丘城是也按滑縣之鉏城去越遠

矣疑襄十年會吳于柤者也

二十六年傳公游于空澤 水經注獲水東南逕空桐澤北澤

在虞城東南左傳公游于空澤卽此寰宇記空桐亭在宋

州虞城縣南五里

二十七年傳盟于平陽 前志泰山郡有東平陽山陽郡有南

平陽山陽之平陽晉志屬高平郡兩漢志皆加南字晉志

亦作南平陽此注西平陽誤一統志南平陽故城今兗州

府鄒縣治通志則云南平陽城在縣西三十里

及留舒 水經注魚山上有柳舒城魏東阿王曹子建登

之有終焉之志山東通志柳舒城在泰安府東阿縣西境  
本作留舒